



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1845**

CCXXII. Henning und Albrecht von Bust verkaufen dem Capitel in Stendal gewisse Hebungen in Schadstedt. am 30. Juli 1397.

---

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

mit diffeme briue. Ok loue ik vlrice vor my vnd mynen rechten eruen in guden truwen ane allerleye arghelest ern diderike ergenumet vnd allen den, dar disse rente van ern diderikes weghe to komen, vnd enen iliken besundern, dat ik vnd myne eruen en des kopes vnd der rente vorcreuen en rechte were willen vnd scolen wesen, wenne, wor vnd wa dicke en des not is vor alle, di vor recht komen willen. To eneme orkunde aller disse vorcreuen stücke so hebbe ik vlrice mit witschap vnd mit guden willen vor my vnd mynen eruen myn ingheseghele laten hangen an disen briff, Di gegeuen is na godis bord Dufent iar dri hondert iar in den souen vnd neghentigesten iare, des neghesten vridaghes vor sunte Sebastianes vnde fabianes daghe der hilghen merteler, dar ieghenwardich to tūghe Ant ghewesen Meyster henrik spennig canonik to stendal vnde er jan nyenkerken canonik to stendal, gherardus cloden der heren kemerer. Dat ghescheyen is in der stad to Stendal, in des vorbenomeden ern diderikes houde des erfamen heren.

**CCXXI.** Claus und Rule von Bismarck auf Burgstal verkaufen dem Capitel in Stendal ihre Besitzungen zu Niendorf bei Peulingen, am 9. Februar 1397.

Wy Er claus Ridder vnd Rule knape, Brodere, gheheyten van Bismarke, wonastich to Borgstal, bekennen — dat wy — vorkopen myt desseme bryue to eneme rechten bestaenden kope den Erbaren herren Ern Dyderic van Anghern deken, vnd deme Capitel to Sunte Nicolaus to Stendal, vyff stücke gheldes vnd achtehaluen schepel Jarliker rente, en dels Rogghe, en dels gherste, en del hauern, en del hunre vnd en del penninghe, in ereme dorpe to Nyendorpe by puwelinghe, vor dry vnd vestic mark Stendelscher weringhe, dy sy vns myt redeme ghelde wol to danke betalet hebben vnd dy in vse vnd vnser erue nut vnd vroem ghekomen syn. Der vorcreuen rente vnd allis, wes wy in deme dorpe gehat hebben, des sint wy auegetreden vor richter vnd vor bure in deme suluen dorpe, to der vorcreuen herren hant vnd behuff, vnd vorlaten dy ghantz vnd altomale myt desseme bryue, vnd hebben sy ghewysen an dy houde vnd an dy lude, dy dy vorcreuen Jarlike rente vns wente her ghegeuen hebben, vnd wysen sy dar an vnd setten sy in dy were der rente myt desseme bryue. Ok so loue wy Er Claus vnd Rule vorgenumet vor vns vnd vnse eruen dem deken vnd Capitel vor ghenumet, dat wy vnd vnse eruen wyllen vnd scolen en des vorcreuen kopes vnd Jarliker rente en recht ghewere wesen vor alle den ghenen, dy recht nemen wyllen vnd vor recht komen wyllen sunder allerleye hulperede vnd arghelest. To orkunde allir disse vorcreuen stücke so hebbe wy Er Claus vnd Rule vorghenumet vnse ingheseghel myt vnser wyllen vnd witschap laten hangen an desseme bryue, Dy ghegeuen ys na godis bort Dufent Jar dryhondert iar in deme Souen vnd negentigsten Jare, des anderen daghes na sunte Dyonisii des hilghen mertelers.

**CCXXII.** Henning und Albrecht von Buse verkaufen dem Capitel in Stendal gewisse Heubungen in Schadsiedt, am 30. Juli 1397.

Wy Hening vnd albrecht, brüdere, gheheite van Buse bekennen — dat wy — Ern dideric van Anghern deken vnd deme Capittel to sinte nicolaus to Stendal, — vor-

kopen mit disseme bryue to ene rechten bestaende kope twe wispel roggen iarliker rente, mit deme eyghendume, mit aller rechticheit vnd to be horinge, als wi di ghehat hebben in deme dorpe to Scaftede, in vnd vppe dem houe, dar nu vp wonet hermen salige, enen wispel roggen; In vnd vp deme houe, dar nu vp wonet gode polko, enen haluen wispel roggen; In vnd vp deme houe, dar nu vp wonet heyne klinko, enen haluen wispel roggen, vor fouen vnde twintich mark stendelscher weringe, di si vns med redeme ghelde wol to danke betalet hebben, vnd di an vnse nut vnde vrom gekomen sin: vnd wes wy rechticheit to den twen vorfcreuen wispel roggen gehat hebben wente her, des sint wi auegetreden vnd treden af gentzliken vnd al to male vnd hebben vor laten vnd vor laten dy twe vorfcreuen wispel roggen dem deken vnd capitel vor genümet vnd setten den fuluen deken vnd Capitel in die were der vorfcreuen twier wispel mit disseme bryue: vnd wy henning vnd albrecht vor genümet vnd vnse eruen willen vnde scolen dem deken vnd Capitel vorgenumet der vorfcreuen twier wispel vnd des eygendomes der twier wispel en recht gewere wesen, wenne, wor vnde wo dicke en des not is. — Dat. na godes bord dritteynhundert jar in den fouen vnd neghentichsten jare, des neghesten mandages na sunte jacobs daghe des hilghen apostele, dar ieghenwardich fyn ghewefet dy erleken heren er Borcherd sweder vnde er Jan nyenkerke, canonike to stendal, vnde gherardus cloden der dumheren kemerer, tüghe disse vorfcreuen stücke.

**CCXXIII. Henning und Albrecht von Buß verkaufen dem Capitel in Stendal gewisse Hebungun in Schadstedt, i. J. 1397.**

Wy Henning vnd Albrecht, bruder, gheheyten van Buß bekenen — dat wy Ern dideric van anghern deken vnd deme Capittel to sunte nicolaus to stendal — vorkopen mid disseme briue to enen rechten bestaende kope twe wispel roggen iarliker rente mid deme eyghendume mid aller rechticheit vnd to behoringe, als wy dy ghehat hebben in deme dorpe to schaftede, in vnd vppe den houe, dar nu vp wonet coppe schulte, drüttich schepel roggen; in vnd vppe den houe, dar nu vp wonet hermen arnsberg, ses schepel roggen; in vnd vp den houe, dar nu vp wonet franko van scharto, enen haluen wispel roggen, vor fouen vnd twintich mark stendelscher weringe, dy sy vns med redeme ghelde wol to danke betalet hebben vnd dy in vnse nut vnd vrom ghekomen sin: vnd wes wy rechticheit to den twen vorfcreuen wispel roggen ghehat hebben wente her, des sint wy aue ghetreden vnd treden af ghentzliken vnd al to male vnd hebben vorlaten vnd vorlaten dy twe vorfcreuen wispel roggen dem deken vnd Capittel vorghenumet vnd setten den fuluen deken vnd Capittel in dy were der vorfcreuen twier wispel mit deffen briue: vnd wy hennig vnd albrecht vorgenumet vnd vnse eruen willen vnd scolen den deken vnde Capittel vorgenumet der vorfcreuene twier wispel vnd des eyghendomes der twier wispel en recht ghewere wesen, wenne, wor vnd wo dicke en des not is. Dat loue wy vor vns vnd vnser eruen in guden truwen ane allerleye hulperede vnd argelift. Tome orkunde aller deffer vorfcreuen stücke hebbe wy hennig vnd albrecht vorgenumet vnse ingheseghele mid witscap laten hangen an dissen briff, dy geuen is na godes bord dritteyn hundert iar in den fouen vnd neghentichsten iare.